

denique necessaria: quia ritus non sunt pars cultus divini ad salutem necessarij &c.

81. Interim tamen Ecclesie nostrae sua etiam constat rituum & Ceremoniarum consonantia, si per ritus illos intelligas administrationem Sacramentorum secundum institutionem Christi Servatoris.

82. Et sane in his ritibus, si quicquam quoad substantialia mutetur: Ecclesie unitas mox laeditur: ac ab iis, qui hoc faciunt, ad falsam Ecclesiam fit secessio.

83. Quoad reliquas Ceremonias, quae verbo Dei non sunt praecipuae, sed praedicationi Evangelij & administrationi Sacramentorum subserviunt, statuimus, Genus quidem ipsum, nempe ordinem esse necessarium, ut secundum praecipuum Apostoli omnia fiant εὐχρημόνως καὶ εὐτάκτως 1. Cor. 14, 40. Sed quod in specie hos vel illos ritus attinet: Sicut eorum similitudo Unitatem Ecclesiae non constituit: Sic dissonantia eandem non solvit aut evertit.

84. Interim tamen multis de causis optandum quidem esse existimamus, ut in Ecclesiis Augustanam Confessionem amplexis, quemadmodum doctrina, sic & rituum exacta esset conformitas: sed ut talis aliqua sub necessitatis opinione fabricaretur, neque possibile, neque adeo tutum fore statuimus.